

CONCELLO DE CARBALLO  
C.I.F.: P1501900C  
Praza do Concello S/N  
Teléfono 981 70 41 00  
www.carballo.gal  
infocarballo@carballo.gal  
15100 CARBALLO - A Coruña

FIJADO:  
12-09-2022  
EL CONSERJE

DESFIJADO:  
EL CONSERJE



2022/E001/000016  
Exp. 2022/G003/002701

## PUBLICACIÓN RESOLUCIÓN TABOLEIRO DE ANUNCIOS DO CONCELLO DE CARBALLO

Ponse en coñecemento dos posibles interesados que a Alcaldía/Presidencia desta Entidade Local, en data 09-09-2022, ditou a resolución con número 2677/2022 que deseguido se transcribe:

### RESOLUCIÓN

**Aprobación das bases específicas e convocatoria para a selección do alumnado-traballador/a do Obradoiro Dual de Emprego "FORUM DUAL" especialidade SSCS0208: Atención Sociosanitaria a Persoas Dependentes en Institucións Sociais.**

#### **Antecedentes.**

**Primeiro.-** Por Resolución da xefatura territorial da Coruña da Consellería de Promoción do Emprego e Igualdade da Xunta de Galicia (registro de entrada núm. 20220000004546 do 29 de xullo de 2022) concedeuse a este Concello de Carballo o outorgamento dunha subvención por un importe cincocentos tres mil novecentos oitenta e sete euros (503.987,00euros) para o financiamento dos custos de formación profesional para o emprego, para a realización do proxecto do obradoiro dual de emprego denominado "FORUM DUAL" para 20 alumnos/as traballadores/as distribuídos/as en dúas especialidades formativas con 10 alumnos/as en cada unha:

- **HOTR0408:** Cociña
- **SSCS0208:** Atención Sociosanitaria a Persoas Dependentes en Institucións Sociais

De acordo coa citada resolución, a subvención para os gastos salariais dos/as 20 alumnos/as-traballadores/as participantes ascende a 311.603,00 €.

**Segundo.-** Por Providencia da concelleira delegada de Facenda, Patrimonio, Persoal e Réxime Interior do 02/09/2022 ordenouse a apertura dun expediente para a selección e contratación temporal do dito persoal.

**Terceiro.-** Con data 08/09/2022 a Intervención municipal emite informe favorable.

Á vista do anterior, e en uso das atribucións que confire á Alcaldía o artigo 21 da Lei 7/1985 de 2 de abril, reguladora das Bases de Réxime Local, pola presente,

#### **RESOLVO:**

**Primeiro.-** Aprobar as bases para a provisión, como persoal laboral temporal de **10 alumnos/as traballadores/as** para a realización do proxecto do obradoiro dual de emprego denominado "FORUM DUAL" na especialidade **SSCS0208: Atención Sociosanitaria a Persoas Dependentes en Institucións Sociais.**

O texto das Bases é o transcrito como Anexo ao final da presente Resolución.

**Segundo.-** Convocar o proceso de selección do persoal citado nestas bases mediante a presentación Oferta (tipo T) no Servizo Público de Emprego de Galicia (Oficina de emprego de Carballo).

As bases publicaranse integramente no Taboleiro de Anuncios da Casa do Concello.

#### **ANEXO.**

**BASES PARA A PROVISIÓN, EN RÉXIME LABORAL TEMPORAL DE 10 ALUMNOS/AS TRABALLADORES/AS PARA A REALIZACIÓN DO PROXECTO DO OBRADOIRO DUAL DE EMPREGO DENOMINADO "FORUM DUAL NA ESPECIALIDADE SSCS0208: ATENCIÓN SOCIOSANITARIA A PERSOAS DEPENDENTES EN INSTITUCIÓN SOCIAIS.**

**PRIMEIRA.- OBJECTO DA CONVOCATORIA E MODALIDADE DE CONTRATACIÓN.**

**1.1.-** O obradoiro dual de emprego "FORUM DUAL" é un programa mixto de emprego e formación dirixido a mellorar a ocupabilidade de persoas desempregadas, subvencionado pola Consellería de Promoción do Emprego e Igualdade, cofinanciado polo Servizo Público de Emprego Estatal e promovido polo Concello de Carballo.

O obxecto desta convocatoria é a contratación laboral temporal 10 alumnos/as traballadores/as para a realización do proxecto do obradoiro dual de emprego denominado "FORUM DUAL" na especialidade **SSCS0208: Atención Sociosanitaria a Persoas Dependentes en Institucións Sociais**.

As actuacións a realizar son as seguintes:

1. Atención sociosanitaria a persoas dependentes na Asociación de Familiares de Alzhéimer da Comarca de Bergantiños (AFABER).
2. Atención sociosanitaria a persoas dependentes na Residencia para persoas adultas da Asociación de Pais de Discapacitados Psíquicos de Bergantiños (ASPABER).
3. Atención sociosanitaria a persoas dependentes na Asociación Íntegro de Persoas con Diversidade Funcional da Costa da Morte.
4. Atención Sociosanitaria a persoas dependentes na Asociación Pro Enfermos Mentais en Carballo (APEM).
5. Atención sociosanitaria a persoas dependentes no Centro de Día para persoas maiores de Carballo do Consorcio Galego de Servizos de Igualdade e Benestar.

### **1.2.- Normativa de aplicación.**

O procedemento de selección será o que se sinala nestas bases, segundo as directrices da Orde do 21 de febreiro de 2022 pola que se establecen as bases reguladoras das axudas e subvencións para os obradoiros duais de emprego no ámbito da Comunidade Autónoma de Galicia, e se procede a súa convocatoria para o ano 2022 (DOG núm. 46 do 8 de marzo de 2022): Capítulo III-Selección e Contratación-no seu artigo 10 e 11; así como as Instrucións recibidas en data 03/08/2022 da Dirección Xeral de Formación e Colocación da Consellería de Promoción do Emprego e Igualdade "Instrucións en relación co procedemento de selección do persoal directivo, docente e de apoio así como do alumnado-traballador dos obradoiros duais de emprego".

No seu defecto, será de aplicación o disposto no Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público (TREBEP), a Lei 7/1985, de 2 de abril, o Real Decreto Legislativo 781/1986, de 18 de abril, a Lei 2/2015 de 29 de abril do emprego público de Galicia e demais disposicións de pertinente aplicación.

### **1.3.- Modalidade contractual.**

A modalidade contractual será a de un **Contrato para a formación e o aprendizaxe**", conformidade coa disposición adicional primeira do Real decreto 1529/2012, do 8 de novembro, na que se establecen as bases da formación profesional dual, e a súa duración será de **12 meses** (a data de inicio, previsiblemente, será o 19/09/2022, non obstante esta data pode verse modificada atendendo a casuísticas organizativas e ou de xestión).

A **xornada laboral** será a tempo completo e as persoas contratadas estarán obrigadas a prestar a súa xornada de traballo na medida e forma requiridas polo interese do servizo, de acordo coa lexislación aplicable e as instrucións recibidas.

A **retribución** bruta mensual durante o ano 2022 será de mil cento sesenta e seis euros con sesenta e sete céntimos (1.166,67 €), incluída a pro rata de pagas extra (salario: 1000,00€; pro rata extras: 166,67€) e para o 2023 á que se estableza como salario mínimo interprofesional para 2023.

### **SEGUNDA.- REQUISITOS DOS/AS ASPIRANTES.**

Para tomar parte neste proceso selectivo os/as aspirantes deberán reunir os seguintes requisitos referidos todos e cada un a data en que finalice o prazo de presentación de solicitudes e mantelos ata o momento da formalización dos contratos:

- **Idade:** Ter cumpridos 18 ou máis anos de idade.
- **Situación Laboral:** Persoas desempregadas, entendéndose nesta situación persoas demandantes de emprego rexistradas no Servizo Público de Emprego de Galicia, que carezan de ocupación remunerada e estean dispoñibles para o emprego, sempre que poidan subscribir un contrato de formación e aprendizaxe durante toda a duración do obradoiro dual de emprego.
- **Formación.** As persoas candidatas deberán de posuír a formación mínima esixida para acceder á obtención do certificado de profesionalidade previsto neste obradoiro dual de emprego e para a especialidade de Atención sociosanitaria a persoas dependentes en institucións sociais" (nivel de cualificación 2), para cumprir cos requisitos sinalados nos reais decretos que o regulan co fin de que unha vez rematada a formación o alumnado traballador poida acadar o correspondente certificado de profesionalidade (art.11.1 da orde do 21 de febreiro de 2022).

**Causas de exclusión:** O tribunal **excluirá** do proceso de selección ás persoas candidatas que tiveran participado anteriormente nun obradoiro de emprego, escola obradoiro ou noutro proxecto formativo de iguais características, así como aquelas persoas que non reúnan os requisitos esixibles para asinar un contrato para a formación, ou quen estivera incurso nun proceso de obtención do certificado de profesionalidade da mesma especialidade, ou participase nalgún programa relacionado coas políticas activas de emprego (cursos AFD, programas de cooperación, os programas experimentais de emprego e semellantes).

### **TERCEIRA .- PRESENTACIÓN DE OFERTA PÚBLICA DE EMPREGO.**

A selección do alumnado traballador/a participante no obradoiro dual de emprego "FORUM DUAL" na especialidade **SSCS0208: Atención Sociosanitaria a Persoas Dependentes en Institucións Sociais** será realizado polo Concello de Carballo mediante un procedemento específico: **Oferta no Servizo Público de Emprego de Galicia.**

O Concello de Carballo tramitará a correspondente oferta na Oficina de emprego de Carballo (oferta tipo T). A oficina de emprego realizará a sondaxe da seguinte maneira:

Para a especialidade "SSCS0208: Atención sociosanitaria a persoas dependentes en institucións sociais" sondearanse polos códigos 320, 330,340 ou 370.

**Localidade:** Ámbito do Concello de Carballo. No caso de non atoparse candidatos/as suficientes, a sondaxe ampliaríase ao resto dos concellos limítrofes do ámbito da oficina de emprego de Carballo, dando prioridade a aqueles concellos que non teñan proxectos de obradoiros de emprego.

### **CUARTA.- TRIBUNAL DE SELECCIÓN.**

**4.1.-** A Comisión de Avaliación será designada por Decreto da Alcaldía, no momento anterior ao día fixado para a primeira reunión do dito órgano encargado do desenvolvemento do proceso selectivo, que terá como función a valoración dos méritos alegados polos/as aspirantes e a valoración das entrevistas.

**4.2.-** Os membros da Comisión de Avaliación deberán absterse de intervir cando concorran as circunstancias previstas no artigo 23 da Lei 40/2015, do 1 de outubro (de réxime xurídico do Sector Público), notificándoo á autoridade convocante, ou cando realizaran tarefas de preparación a probas selectivas nos cinco anos anteriores á publicación desta convocatoria.

Os/as aspirantes poderán recusalos de acordo có disposto nos artigos 23 e 24 da Lei 40/2015.

**4.3.-** A Comisión non poderá constituírse nin actuar sen a asistencia de máis da metade dos membros (titulares ou suplentes, indistintamente). En todo caso, será precisa a asistencia do/a presidente/a e do/a secretario/a.

**4.4.-** As decisións adoptaranse por maioría simple do grupo validamente constituído. Ademais, a persoa designada como presidente disporá de voto de calidade se fora necesario dirimir os posibles empates nas votacións.

**4.5.-** A Comisión queda facultado para resolver as dúbidas que se presenten e tomar os acordos necesarios para a boa orde do proceso selectivo en todo o non previsto nas bases

## QUINTA.- PROCEDEMENTO DE SELECCIÓN ALUMNADO-TRABALLADOR/A. CONCURSO - OPOSICIÓN.

**5.1.- Sistema de Selección:** o Concello de Carballo tramitará a correspondente oferta na oficina de Emprego de Carballo (oferta tipo T) e recibido o formulario de selección procede á selección definitiva das persoas candidatas polo tribunal de selección constituído para tal efecto.

**5.2.- Criterios preferentes de selección:** O tribunal de selección deberá aplicar os criterios preferentes de selección que figuran no artigo 11 "Procedemento de selección do alumnado-traballador" da Orde do 21/02/2022, segundo baremo que se xunta ao final desta Resolución.

Terán prioridade as persoas desempregadas do municipio de Carballo, cunha antigüidade no Padrón Municipal anterior ao día 29 de agosto de 2022 (data da recepción da resolución do obradoiro dual de emprego).

*O tribunal excluirá do proceso de selección ás persoas candidatas que tiveran participado anteriormente nun obradoiro de emprego, escola obradoiro ou noutro proxecto formativo de iguais características, así como aquelas persoas que non reúnan os requisitos esixibles para asinar un contrato para a formación, ou quen estivera incurso nun proceso de obtención do certificado de profesionalidade da mesma especialidade, ou participase nalgún programa relacionado coas políticas activas de emprego (cursos AFD, programas de cooperación, os programas experimentais de emprego e similares).*

O número máximo de persoas candidatas a preseleccionar será determinado polo tribunal de selección, e o mínimo será, se é posible, de 3 por praza, segundo o establecido no artigo 11.3 da orde do 21 de febreiro de 2022.

**5.3.- Presentación de Instancias:** Os/as aspirantes, deberán presentar na data que se lle indica na carta remitida pola oficina de emprego, a **solicitud** para tomar parte no proceso dirixidas ao Sr. Alcalde do Concello de Carballo conforme o modelo que figura no **Anexo I** e a **documentación** que acredite cada un dos méritos alegados. A solicitude e a documentación presentárase na Sede Electrónica do Concello de Carballo (<https://sede.carballo.gal>) ou nalgúns dos lugares previstos no artigo 16.4 da Lei 39/2015, do 1 de outubro, do Procedemento Administrativo Común das Administracións Públicas. No caso, de non ser presentado no rexistro municipal, os/as aspirantes deberán remitir un correo electrónico a [xestiondepersoal@carballo.gal](mailto:xestiondepersoal@carballo.gal) coa copia da solicitude debidamente rexistrada dentro do prazo de presentación.

Na solicitude realizarase unha declaración responsable de que son certos os datos e documentación que se achega coa solicitude, e que reúnen todos os requisitos esixidos nestas bases.

Xunto coa solicitude os/as aspirantes deberán achegar, de forma ordenada, a seguinte documentación:

- DNI, NIE ou calquera outro documento de identificación persoal.
- Acreditación da Titulación máxima acadada.
- Se é o caso, acreditación das competencias clave adquiridas.
- Informe de Vida Laboral *actualizado* emitido pola Tesourería da Seguridade Social (aínda que non teña experiencia laboral).
- No caso que proceda:
  - Certificado de discapacidade.
  - Certificado dos Servizos Sociais Municipais ou da Administración competente.
  - Certificado do compromiso IPI asinado polo/a orientador/a.
  - Acreditación de ser vítima de violencia de xénero.
  - Acreditación de ser familia numerosa.
  - Documentación acreditativa da familia monoparental.
  - Acreditación, por parte do órgano competente, da concesión da prestación por desemprego ou, no seu defecto, informe de non percibir ningunha prestación.

- Libro de familia.
- Volante colectivo de empadramento.

A non presentación da referida documentación no prazo establecido, *non será obxecto de baremación.*

Para que teñan validez neste proceso, os documentos que se presenten deberán estar expedidos nunhas das linguas oficiais na Comunidade Autónoma (galego e ou castelán).

**5.4.- Desenvolvemento do proceso de selección:** Finalizado o prazo de presentación de instancias e, mediante resolución da Alcaldía, aprobarase a listaxe provisional de admitidos e excluídos, así como a composición do tribunal. Darase publicidade no Taboleiro de Anuncios do Concello de Carballo, na oficina de Emprego de Carballo e, de forma complementaria, na páxina web municipal ((www.carballo.gal), relacionándose os participantes excluídos con indicación da causa da súa exclusión.

A selección dos/as 10 alumnos/as traballadores/as na especialidade **SSCS0208: Atención Sociosanitaria a Persoas Dependentes en Institucións Sociais**, será efectuada polo tribunal de selección mediante un **Concurso-Oposición**. O tribunal seleccionador aplicará o baremo establecido no **Anexo II (puntuación máxima 4 puntos)**, por medio do cal serán avaliadas as circunstancias persoais e profesionais das persoas candidatas remitidas pola oficina de emprego, mediante a documentación presentada polas persoas aspirantes.

Unha vez realizada a baremación de méritos, publicarase a listaxe provisional coas puntuacións outorgadas e concederase aos/as candidatos/as un prazo mínimo dun día para presentar reclamacións ou alegacións. Transcorrido o dito prazo publicarase a listaxe definitiva, con indicación dolugar, data e hora para a realización da fase de oposición.

A fase de oposición (*puntuación máxima 6 puntos*), consistirá na realización dunha proba escrita tipo test (cunha soa resposta correcta) durante un tempo máximo de 30 minutos e con preguntas relacionadas sobre as seguintes materias:

- **Obradoiro Dual de Emprego “FORUM DUAL”** e a orde do 21 de febreiro de 2022 (DOG núm. 46 do 8 de marzo de 2022) pola que se establecen as bases reguladoras das axudas e subvencións para os obradoiros duais de emprego, no ámbito da Comunidade Autónoma.
- **Municipio do Concello de Carballo. O servizo de Formación e Emprego** do Concello de Carballo.
- Certificado de profesionalidade SSCS0208 de Atención Sociosanitaria a Persoas Dependentes en Institucións Sociais.

**5.5.-** A Comisión de Avaliación levantará as correspondentes actas das sesións realizadas e, unha vez rematado o procedemento de selección, remitirá á oficina de Emprego e á Xefatura Territorial da Coruña (Servizo de Formación e Colocación) a documentación xustificativa do procedemento e a relación das persoas admitidas e excluídas.

Así mesmo, enviará á Alcaldía do Concello de Carballo a relación de aspirantes por orde de puntuación final acadada, para a tramitación da súa contratación.

**5.6.- Criterios de desempate:** Os criterios para dirimir os posibles empates entre as puntuacións obtidas por dúas ou máis persoas candidatas en cada unha das fases do proceso selectivo así como nas puntuacións finais, son por orde de prelación (segundo as instrucións remitidas pola Dirección Xeral de Formación e Colocación no seu punto 15):

- O maior tempo acreditado como desempregado/a.
- A puntuación acadada na fase de oposición, de terse realizado.
- A puntuación obtida no apartado de experiencia profesional.
- De estar prevista nas bases, a puntuación outorgada no apartado de experiencia docente.
- A puntuación correspondente ás titulacións complementarias.

- A puntuación resultante no apartado de coñecementos do idioma galego.
- A puntuación obtida no apartado de cursos realizados.
- O/a de maior idade.

## **SEXTA.- CUALIFICACIÓN E RELACIÓN DE APROBADOS. PUBLICIDADE DO PROCESO SELECTIVO.**

**6.1.- Cualificación dos aspirantes.** A Comisión de Avaliación publicará as puntuacións outorgadas no Taboleiro do Concello de Carballo así como na páxina web municipal ([www.carballo.gal](http://www.carballo.gal)), e no Taboleiro da oficina de Emprego de Carballo, debendo establecer un prazo mínimo dun día para presentar reclamacións.

Transcorrido o prazo de presentación de reclamacións, a Comisión de Avaliación resolverá as reclamacións presentadas polos candidatos e publicará a puntuación total definitiva no Taboleiro de anuncios do Concello de Carballo, no Taboleiro do Edificio Fórum Carballo, na páxina web do municipal ([www.carballo.gal](http://www.carballo.gal)), e no Taboleiro da oficina de Emprego de Carballo.

A Comisión de Avaliación remitirá á oficina de emprego de Carballo e á Xefatura Territorial da Coruña da Consellería de Promoción do Emprego e Igualdade a documentación xustificativa do procedemento e a relación das persoas seleccionadas e /ou propostas para participar no proxecto "FORUM DUAL" na especialidade de **SSCS0208: Atención Sociosanitaria a Persoas Dependentes en Institucións Sociais** como alumnos/as-traballadores/as.

**6.2.- Publicacións e/ou notificacións.** O tribunal de selección acordará a publicación dos resultados, e tamén a publicación ou notificación, no seu caso, dos demais actos de trámite que poidan afectar aos intereses das persoas candidatas, de acordo sempre co disposto na Lei 39/2015 de 1 de outubro, do procedemento administrativo común das administracións públicas e demais normativa aplicable. Estas publicacións realizaranse, cando menos, nos taboleiros de anuncios da oficina de Emprego de Carballo, do Concello de Carballo así como na páxina web municipal ([www.carballo.gal](http://www.carballo.gal)), debendo figurar un prazo mínimo dun día para presentar reclamacións. Unha vez resoltas as reclamacións procederase a publicar nos mesmos medios as listaxes definitivas.

**6.3.-Protección datos de carácter persoal.** De conformidade co disposto na Ley Orgánica 3/2018, de 5 de decembro, de Protección de Datos Persoais e garantía dos dereitos dixitais, infórmase de que os datos persoais serán incorporados a un ficheiro de titularidade do Concello de Carballo, autorizando ao tratamento dos mesmos, para a súa utilización en relación co desenvolvemento do proceso selectivo. Poderanse exercitar os dereitos de acceso, rectificación ou cancelación dos enviando unha solicitude por escrito, acompañada de fotocopia de DNI, dirixida ao Concello de Carballo, Praza do Concello s/n, 15100, Carballo.

## **SÉTIMA.- CONTRATACIÓN E FORMALIZACIÓN DO CONTRATO.**

Unha vez presentada a documentación á que se refire o apartado anterior, o órgano competente da Corporación procederá á contratación a favor dos/as aspirantes propostos/as pola Comisión, e será nula a contratación de quen incorra en causas de incapacidade específica conforme á normativa vixente.

**As persoas que sexan propostas para a súa contratación deben manter o cumprimento dos requisitos de selección na data da súa incorporación ao proxecto segundo o establecido no artigo 11.4 da orde do 21 de febreiro de 2022.**

Previamente á sinatura do contrato, a/o aspirante contratado/a deberá subscribir a declaración á que se refire o artigo 13.1 do Real Decreto 598/1985, de 30 de abril, sobre incompatibilidades.

Mentres non se formalice o contrato e non se incorpore ao posto de traballo, a/o aspirante non terá dereito a percepción económica de ningunha clase.

A persoa contratada estará obrigada a prestar a súa xornada de traballo na medida e forma requiridas polo interese do servizo, de acordo coa lexislación aplicable, e quedarán sometidas a un

período de proba, co alcance previsto no artigo 14 do Estatuto dos Traballadores, e estará suxeita á lexislación laboral pertinente.

#### **OITAVA.- NORMAS FINAIS.**

**8.1.-** Tódolos actos administrativos derivados desta convocatoria, así como da actuación do Tribunal, poderán ser impugnados polos/as interesados/as nos casos e na forma establecidos pola Lei de procedemento administrativo e normas vixentes concordantes.

A presentación de reclamacións non suspenderá a continuación do proceso selectivo, salvo que así o decida o órgano convocante deste.

**8.2.-** Sen prexuízo do carácter administrativo dos actos que integran o procedemento da selección fiscalizables ante a xurisdición contencioso-administrativo, o réxime xurídico dos contratos será a da lexislación laboral, correspondendo aos xulgados do social o coñecemento das cuestións que se deriven do incumprimento dos mesmos

**8.2.-** Contra as presentes bases e a resolución que as aproba, que pon fin á vía administrativa, poderase interpoñer recurso contencioso-administrativo ante o Xulgado Contencioso Administrativo da Coruña, no prazo de dous meses (contado desde o día seguinte ao da publicación da convocatoria).

Con carácter potestativo e previo, poderá interpor recurso de reposición ante o mesmo órgano que adoptou o acordo de aprobación, no prazo dun mes (contado desde ao día seguinte ao da publicación da convocatoria). Neste caso non se poderá interpoñer o recurso contencioso-administrativo ata que se resolva expresamente o recurso de reposición. Neste último suposto, o prazo para a interposición do recurso contencioso-administrativo será de seis meses contado desde o día seguinte a aquel no que se produza a desestimación presunta do recurso de reposición interposto.

Todo iso sen prexuízo do que poida exercitar calquera outro que considere procedente

### ANEXO I: MODELO DE INSTANCIA

Don/Dona \_\_\_\_\_ con data de nacemento \_\_\_\_\_  
(anos:\_\_\_\_) con DNI núm. \_\_\_\_\_ e domicilio en \_\_\_\_\_  
CP. \_\_\_\_\_, localidade \_\_\_\_\_  
teléfono/s \_\_\_\_\_ correo electrónico \_\_\_\_\_.

#### EXPOÑO:

1.- Que fun preseleccionado/a pola Oficina de Emprego de Carballo para participar na selección de:

- 10 alumnos/as traballadores/as da especialidade **SSCS0208: ATENCIÓN SOCIOSANITARIA A PERSOAS DEPENDENTES EN INSTITUCIÓNS SOCIAIS**, dentro do Obradoiro Dual de Emprego "FORUM DUAL" e desexo participar en dita selección.
- 10 alumnos/as traballadores/as da especialidade **HOTR0408: COCIÑA**, dentro do Obradoiro Dual de Emprego "FORUM DUAL" e desexo participar en dita selección.

2.- Que reúno todos os requisitos esixidos referidos á data de finalización do prazo sinalado para a presentación da solicitude, coñezo e acepto as bases de selección e DECLARO RESPONSABLEMENTE que son certos os datos que figuran nesta instancia, e comprométome a xustificalos documentalmentemente cando sexa requirido para iso.

Polo exposto, **SOLICITO:**

Ser admitido/a no proceso de selección para o que fun citado/a pola Oficina de Emprego de Carballo, achegando para estes efectos a seguinte documentación:

- 1)
- 2)
- 3)
- 4)
- 5)
- 6)
- 7)
- (...)

En Carballo a \_\_\_\_\_ de \_\_\_\_\_ de 2022.

Asdo.: \_\_\_\_\_

SR. ALCALDE DO CONCELLO DE CARBALLO.



**ANEXO II: BAREMO DE SELECCIÓN DO ALUMNADO-TRABALLADOR PARA O OBRADOIRO DUAL DE EMPREGO "FORUM DUAL" PARA A ESPECIALIDADE SSCS0208: ATENCIÓN SOCIOSANITARIA A PERSOAS DEPENDENTES EN INSTITUCIÓNS SOCIAIS.**

**1 Criterios preferentes. Só puntúa un de cada concepto (puntuación máxima 4 puntos):**

CONCEPTO	PUNTOS
<b>1.- MULLER</b>	
Muller vítima de violencia de xénero	0.30
Muller	0.20
<b>2.- IDADE</b>	
De 18-29 anos	0.25
De 30 a 44 anos	0.50
De 45 anos ou máis	0.75
<b>3.- DISCAPACIDADE</b>	
Por ter recoñecida unha minusvalía igual ou superior ó 33%, sempre que lle permita realizar traballos e prácticas a desenvolver con ocasión da participación no obradoiro	0.25
<b>4.-PROTECCIÓN POR DESEMPREGO</b>	
Perceptores/as de desemprego	0.15
Perceptores/as de subsidios e/ou axudas	0.25
Non perceptores/as	0.50
<b>5.-TEMPO DE DESEMPREGO DESDE O ÚLTIMO TRABALLO (Tomarase de referencia o informe de Vida Laboral)</b>	
<12 meses	0.15
≥ 12 meses e <24 meses	0.25
≥ 24 meses	0.50
<b>6.- FORMACIÓN ACADÉMICA</b>	
Títulos universitarios	0
FPI / Ciclo Medio FP / FPII / Ciclo Superior	0.15
Graduado en ESO, bacharelato, BUP, Competencias clave, acceso a ciclos	0.25
<b>6.-CATEGORÍA PROFESIONAL NO ÚLTIMO TRABALLO (Tomarase de referencia o informe de Vida Laboral)</b>	
Sen emprego anterior	0.15
Autónomos/as ou con Grupo Cotización 1 ao 7	0.25
Grupo Cotización 8 ou 9	0.50
Grupo Cotización 10	0.75
<b>7.- PERTENZA A COLECTIVOS DESFAVORECIDOS OU EN RISCO DE EXCLUSIÓN SOCIAL (acreditado mediante certificación dos servizos Sociais municipais ou da administración competente)</b>	
Perceptores/as da RISGA	0.25

<b>8.-RESPONSABILIDADES FAMILIARES/UNIDADE FAMILIAR DE CONVIVENCIA</b> (entendéndose por elas a existencia dunha unidade familiar na que a persoa candidata teña ao seu cargo ao cónxuxe, fillos/as menores de 25 anos ou maiores incapacitados ou menores acollidos. Para a consideración dos dous membros dunha parella de feito como integrantes dunha unidade familiar deberán presentar certificación da súa inscrición nos rexistros específicos existentes na comunidade autónoma ou concellos onde residan e no suposto da inexistencia de dita inscrición, mediante documento público no que conste a constitución de dita parella). Para consideración de familia monoparental deberá presentar documentación acreditativa/xustificativa segundo a normativa vixente.	
Unidade Familiar de 4 ou máis membros	0.15
Familia monoparental	0.25
<b>9.- OUTROS</b>	
Por ter prevista esta acción formativa no seu Itinerario de Inserción Profesional (IPI)	0.15
<b>10.-TOTAL</b>	
	Máx.4 puntos

Asinado dixitalmente na data que figura na marxe.

Alcalde

Secretario

Evencio Ferrero Rodríguez

Miguel Piñeiro Souto

-----  
Esta publicación serve como notificación aos posibles interesados, en cumprimento do establecido no artigo 40 da Lei 39/2015, do 1 de outubro, do procedemento administrativo común das administracións públicas e de conformidade co establecido no artigo 194 do RD 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais.

Documento asinado dixitalmente na data que figura na marxe.

Secretario

Miguel Piñeiro Souto